


貞觀政要
上



貞觀政要卷第九

又直集論

議征伐三十五

議安邊三十六

征伐第三十五

凡十章

武德九年冬突厥頡利突利二可汗

音韓凡言可汗並同

以其衆二十萬至渭水便橋之北

漢武帝初作便門橋長安

城北面西頭門即平門也古者年便字同於遣

此道作橋跨渡渭水以趨茂陵此便橋是也

酋帥執矢思力

酋帥長帥也執矢虜姓男力其名

入朝為覲自

張聲勢云二可汗總兵百萬今已至矣乃請返

命太宗謂曰我與突厥面自和親汝則背之

音背

倍我無所愧何輒將兵

將去聲

入我畿縣自夸彊

盛我當先戮爾矣思力懼而請命蕭瑀封德彝等請禮而遣之太宗曰不然今若放還必謂我懼乃遣因之太宗曰頡利聞我國家新有內難去聲又聞朕初即位所以率其兵衆直至於此謂我不敢拒之朕若閉門自守虜必縱兵大掠疆弱之勢在今一策朕將獨出以示輕之且耀軍容使知必戰事出不意乘其本圖制服匈奴在茲舉矣遂單馬而進隔津與語頡利莫能測俄而六軍繼至頡利見軍容大盛又知思力就拘由是大懼請盟而退

按通鑑載此事甚詳辭多不錄

愚按蠻夷猾夏帝者嚴明刑之訓蠻夷率服帝者謹惇德之心故弼成五服之制於要服則流蔡而巳內外交遠而奮武衛至於荒服則及後世德不足以懷柔而藉乎威威不足以及讐服而至于亂太宗內定中國外綏四夷以漢武窮征遠討而不能服者咸歸版圖若突厥為患久矣唐有天下之初已憑陵上國至于斯時率騎二十萬直至渭水亦云肆矣太宗一時輕騎示威其氣乘直可以寒疆褻之膽而奪之氣不以一矢相加遺而中國尊安裔夷退抑雖不可與帝者明刑惇德並論其不戰屈人亦足偉也謂之英武不亦宜乎

貞觀初嶺南諸州

今地廣海

奏言高州

今仍舊

酋

帥馮盎談殿

盎字明達高州人隋亡據嶺表唐

殿人姓名

阻兵反叛詔將軍蘭暮

蘭音各

發

江嶺數十州兵討之

發江南道嶺南諸州兵也

秘書監魏

徵諫曰中國初定瘡痍未復嶺南瘴癘山川阻

深兵遠難繼疾疫或起若不如意悔不可追且

馮盎若反即須及中國未寧交結遠人分兵斷

險破掠州縣署置官司何因告來數年兵不出

境此則反形未成無容動衆陛下既未遣使人

使去聲後同

就彼觀察即來朝謁恐不見明今若遣

使分明曉諭必不勞師旅自致闕庭太宗從之

嶺表悉定侍臣奏言馮盎談殿往年恒相征伐

陛下發一單使嶺外恬然太宗曰初嶺南諸州

盛言盜反朕必欲討之魏徵頻諫以為但懷之
以德必不討自来既從其計遂得嶺表無事不

勞而定勝於十萬之師乃賜徵絹五百匹按貞通

觀元年九月馮盎談殿等迭相攻擊久未入朝
諸奏盎反者以十數上命將討之魏徵諫曰云

云上乃罷兵十月遣貞外散騎侍郎李公掩持
節慰諭之盎遣其子智戴隨使者入朝上曰魏

徵令我發一介之使而嶺表遂安勝
十萬之師不可不賞賜絹五百段

唐氏仲友曰甚哉讒人之可畏也盜不為南
越王於武德之初而肯反於貞觀耶譖言無

端幾害忠良非魏徵何以明之何足當唐之
祐不足勞編師剪除盎之區區何足當唐之

興運然直壯曲老蘭暮可擊之狀未可以德
太宗麗之明哉以尉佗之驕倨文帝猶以德

懷而況盎乎全知命之臣止無名之師江淮
以南所全活者不勝數矣仁人之言其利博

哉賢於十萬衆特以兵勢較之耳兵隙一開尺有所短寸有所長干戈轉餉瘡瘍之鬼可算以十萬

愚按晉漢文之時人有上書告周勃欲反下廷尉捕治之薄太后曰絳侯始誅諸呂絳一小皇帝璽將兵於北軍不以此時反今居一小縣顧欲反耶帝乃赦之復爵邑此與魏徵論馮盎談殿之事頗同蓋周勃異於馮盎談殿之事勢而薄太后之言誠類於魏徵之諫也其察人之情亦明矣哉

貞觀四年有司上言林邑蠻國

林邑南蠻國名漢南象郡之地

在交州南千餘里

表疏不順請發兵討擊之太宗曰兵

者凶器不得已而用之故漢光武云每一發兵不覺頭鬚為白自古以來窮兵極武未有不亡

者也符堅自恃兵彊欲必吞晉室興兵百萬一

舉而亡

符堅略陽氏人晉時符健據長安是為前秦健死子立符堅弒生自立伐晉大

敗後為姚萇所殺

隋主亦必欲取高麗

平聲頻年勞役人

不勝怨

勝平聲

遂死於匹夫之手至如頡利往歲

數來

數音朔

侵我國家部落疲於征役遂至滅亡

朕今見此豈得輒即發兵但經歷山險土多瘡

癘若我兵士疾疫雖剋翦此蠻亦何所補言語

之間何足介意竟不討之

按通鑑林邑獻大珠有司以其表辭不順

請討之上曰好戰者亡如煬帝頡利皆所親見也小國勝之不武况未可必乎

胡氏曰太宗不以夷狄一言之慢遽興兵革幾於誤然林邑表辭敢為不順者以獻大

珠嘗試朝廷也還其獻則善矣今不聞還其
獻則是太宗貪其實而甘其慢也明年鸚鵡
繼來則約侮多矣雖詔使者歸之道
而珠竟爾不還夫豈格遠人之道
愚按是年方擒突厥北土以寧有司請討
林邑而太宗不欲再勞師以黷武也然自
古窮兵極武未有不亡又取譬於符堅之
伐晉隋主之取遼與夫頡利之侵疆皆致
於滅亡之地可謂知所鑑矣夫是三者皆
太宗耳目之所聞而知見而不知者也
為鑑宜終其身而不知止邪書曰終始慎
與惟明明后後之人主式監在茲

貞觀五年康國

即漢康居國一曰薩末韃亦曰
魏所謂悉萬斤者在

邦密水南君姓溫本月氏為突厥
所破稍南依葱嶺其王屈木支

請歸附時太

宗謂侍臣曰前代帝王大有務廣土地以求身

後之虛名無益於身其人甚困假令年於身有

益於百姓有損朕必不為況求虛名而損百姓

乎康國既來歸朝有急難不得不救聲難去兵行

萬里豈得無勞於人若勞人求名非朕所欲所

請歸附不須納也

范氏祖禹曰太宗知招來絕域之弊有所不

為然以兵克者則以為已有而郡縣置之其

為疲勞百姓一也豈先行其言而後從之者

事每如此其盛

德可少貶哉

唐氏仲友曰古之待荒服之外正如耳太

愚按開四夷之境款殊俗之附三代未之
聞也蓋遐荒遠夷不足關中國之重輕得
之適足以勞民而不為益棄之斯足以安
民而不足為損其利害豈不甚明哉漢建武
中西域不求內屬光武以天下初定未遑外
事而竟不許唐貞觀初康國請歸附太宗
謂求虛名損百姓而竟不納二君柔遠之
道可謂無愧於古宜乎為開基之明主也
詩云惠此中國以綏
四方二君之謂矣

貞觀十四年兵部尚書侯君集

幽州人秦三從

征伐有功王即位進吏部尚書後從承乾謀計事覺被誅

伐高昌及師次柳

谷西域地名侯騎言高昌王麴文泰死

文泰聞唐兵臨磧口憂懼

不知所為

剋日將葬國人咸集以二千輕騎襲

之可盡得也副將薛萬均

燉煌人萬徽之兄高祖以其材武授

上柱國以計勝實建德姜行本名確以字行以幹力稱為宣威

將軍太宗每出幸即以從皆以為然君集曰天

子以高昌驕慢使吾恭行天誅乃於墟墓間以

襲其葬不足稱武此非問罪之師也遂按兵以

待葬畢然後進軍遂平其國按通鑑於是鼓行而進至田城論之

不下詔朝政之及午而克虜男女計七千餘口遂降

唐氏仲友曰高昌地不千里勝兵纔萬人恃遠不賓太宗討之以其地控西域之中故也

愚按師平高昌所以開遠西陲也高昌去唐七千餘里當是時可以謂遠討矣然幸功臣

夙將智勇足以制勝是以阬戔厥功自高昌既平之後唐之封域東西九千五百餘

里南北一萬九百餘里為唐之極盛故嘗謂太宗之世於帝王懷柔之道雖不足而

方之漢武致遠之功則有餘也

貞觀十六年太宗謂侍臣曰北狄代為寇亂今

延陀屈彊

屈渠勿切延陀鐵勒諸部之姓屈彊不柔服也

須早為之所

朕熟思之惟有二策選徒十萬擊而虜之滌除
兇醜百年無患此一策也若遂其來請與之為
婚媾朕為蒼生父母苟可利之豈惜一女北狄
風俗多由內政亦既生子則我外孫不侵中國
斷可知矣以此而言邊境足得三十年来無事
舉此二策何者為先司空房玄齡對曰遭隋室
大亂之後戶口太半未復兵凶戰危聖人所慎

和親之策實天下幸甚

按通鑑即命兵部侍郎

以新興公主妻之

胡氏寅曰人各有偶天子之女非外夷所當偶也世愚主則何較焉漢高祖唐太宗不世出之英主而皆以外夷為子婿人君見有不及則籍羣臣而正之房公狃於漢故不知遠稽先王豈非可歎之甚邪夫薛延陀之未服也無乃吾德猶有所闕增修仁義而明其政刑來則接之不至不強也何必於服已乎此上策也舍而不用乃嫁女以結其心是為非策而太宗君臣正爾都俞不亦鄙歟

愚按上古帝王之御四夷也服則懷之以德叛則震之以威未聞與為婚姻也漢高帝時冒頓數苦北邊高帝從劉敬之請而結親唐武德中突厥遣使請昏高祖從裴矩之議而許昏然則和親之策漢高祖啓之於漢唐高祖啓之於唐皆非所以示子

孫也劉敬固不必議衰矩亦毋是責房玄
 齡太宗之良相也乃曰兵戰聖人所慎和
 親實天下幸甚何不親則辱之甚邪惟高勉其
 君曰兵戰則勞如親則辱皆不足安百
 姓威四夷也君能行帝王之道以修其德
 教明其政刑則中國安而邊國固來賓率
 服自有不期然而然者矣嗚呼君行
 之而不以為恥臣亦不以非惜哉

貞觀十七年太宗謂侍臣曰蓋蘇文弑其主而

奪其國政誠不可忍今日國家兵力取之不難

朕未能即動兵衆且令契丹靺鞨攪擾之何如

令平聲契音乞靺音未靺音曷契丹東胡種元
 魏時踰契丹靺鞨居肅慎地凡數部有黑水部

獨房玄齡對曰臣觀古之列國無不彊陵弱衆

彊
 暴寡今陛下撫養蒼生將士勇銳將去聲力有餘

而不取之所謂止戈為武者也昔漢武帝屢伐

匈奴隋主三征遼左入貧國敗實此之由惟陛

下詳察太宗曰善按通鑑不載玄齡之辭止載長孫無忌曰蓋蘇文自知罪

大畏大國之討必嚴設守備陛下姑為之隱忍彼得以自安必更驕情愈肆其惡然後討之未

晚也上曰善

貞觀十八年太宗以高麗莫離支賊殺其主殘

虐其下議將討之諫議大夫褚遂良進曰陛下

兵機神算人莫能知昔隋末亂離克平寇難去聲

及北狄侵邊西蕃失禮陛下欲命將擊之將去聲

羣臣莫不苦諫唯陛下明略獨斷卒並誅夷子卒

切聿今聞陛下將伐高麗意皆熒惑然陛下神武

英聲不比周隋之主兵若渡遼事須剋捷萬一

不獲無以威示遠方必更發怒再動兵衆若至

於此安危難測太宗然之按通鑑李勣又曰間

欲發兵窮討魏徵諫而止使至今為患下之策北鄙安矣上曰然此誠徵之失朕尋悔

之南不欲言恐塞良謀故也上欲自征高麗褚遂良上疏以為但命二三猛將四五萬衆仗陛

下威靈取之如反掌耳今太子新立年尚幼自餘藩屏陛下所知一旦棄金湯之全踰遼海

之險以天下之君輕行遠舉皆愚臣之所甚憂也時羣臣多諫者上不聽

范氏祖禹曰高麗巨屬於唐而其主為賊臣所弑為大國者不可不討然高麗之大未如

突厥其險遠不過於高昌吐谷渾此三國者皆命將帥以偏師取之遂墟其國何獨至於

高麗而欲自征之乎太宗若從遂
良之言雖伐而不克亦未失也

朱氏黼曰自昔人主親睹敗者不勸而自
懲深知禍咎者不戒而自戒煬帝伐遼之禍

至於家夷國破身死而宗族屠蓋太宗目睹
曾莫之懲而反疾趨以襲其蹟何哉蓋其心

自謂吾之戰勝攻取國富民衆非隋敢望也
乘平定四夷之餘力用諸將蕩平之餘威臨

城一鼓可以勦除意定志決
雖傾朝盡諫不可復止矣

唐氏仲友曰王魏既歿諫臣惟遂良爾而
識量不及魏徵李勣一折而遂良之諫不行

勣武臣爾所見惟邊功奈天下計何魏徵
勣此言必不發就使有此言徵肯但已邪遂

良以克為善則其言已不能無過矣胡不
夷夏之分申知足之戒以告帝曰高麗小

不犯邊吏今而討之勝之不武不勝為笑
亦善乎勣之指魏徵乃以杜遂良之再諫惜

乎不抗疏而力陳之太宗之欲用兵也指
徵之失其悔用師也與魏徵之思諫臣繫國

之輕重如此論諫
必若魏徵可也

愚按貞觀十七年廷臣請增戍兵以逼高
麗太宗曰遠人不服則修文德以來之未

聞茂兵能以尚威絕域者數月而斯言也帝王柔遠
之道何以尚茲不數月而斯言也帝王柔遠

明年而有親征之行不遠為主雪怨為
新羅報仇乃欲襲漢武隋場之所為所存

者小而所棄者大何言行之相反邪豈言
之非艱而行之惟艱哉當時諫者多矣若

玄齡之言以漢武隋場為鑒戒誠保國之
深規也無忌之言欲待其縱肆而後討亦

保國之長策也遂良於下議之初固阻其
意而親征之際復尼其行亦足少儆矣惜

乎太宗意定志決而皆莫之從也若李勣
沮遂良之諫以魏徵為非明致其君於不

善之地此孟子所謂逢君
之惡者其罪不亦大乎

貞觀十九年太宗將親征高麗開府儀同三司

尉遲敬德奏言車駕若自往遼左皇太子又監

國

監平

定州東西二京府庫所在雖有鎮守終

是空虛遼東路遙恐有玄感之變

隋煬帝親征高麗楊玄

遂起兵

且邊隅小國不足親勞萬乘若克勝不

足為武儻不勝翻為所笑伏請委之良將去聲自

可應時摧滅太宗雖不從其諫而識者是之按

鑑上不從以敬德為左

一馬總管使從行

愚按陳恒弒其君孔子弒其父人皆得而誅之高麗為

唐之藩臣其心為莫離支所弒太宗舉兵討之其亦異乎煬帝無名之師矣但不當

鑒與自行耳尉遲敬德請委之良將自可

摧滅其說是已然嘗論之高麗以叢余小

國四拒隋師五拒唐師非有謀臣良將能如是乎當時李靖嘗言莫離文自謂知兵故輕中國太宗亦嘗諷靖使伐高麗靖欣然請行太宗不能從也吳時無功而歸問於靖曰吾以天下之力屈於小夷何也靖曰茲事道宗知之蓋指駐蹕之戰請分軍襲平壤之事也由此論之太宗若用李靖為帥其平高麗必矣太宗不能用靖而用李勣為將勣違惠美延壽之言舍烏骨而不攻昧城有不攻之計守安市而不置卒之師老糧少無功而返由不用靖而用勣也

禮部尚書江夏王道宗從太宗征高麗詔道宗

與李勣為前鋒及濟遼水剋盖牟城

盖音蓋今為盖州

鎮東

逢賊兵大至軍中僉欲深溝保險待太宗至

徐進道宗議曰不可賊赴急遠來兵實疲頓恃

衆輕我一戰可摧昔耿弇不以賊遺君父

弇音耿

弇漢光武將

我既職在前軍當須清道以待與駕李

勣大然其議乃率驍勇數百騎直衝賊陣左右

出入勣因合擊大破之太宗至深加賞勞

去聲

道

宗在陣損足帝親為針灸

音救

賜以御膳

按通鑑載此事

甚詳辭多不錄

范氏祖禹曰太宗之伐高麗非獨恃其四海

之富兵力之彊也本其少時奮於布衣志氣

英果百戰百勝以取天下治安既久不能深

思高拱猶思所以逞志扼腕踴躍喜於用兵

如馮婦搏虎不能自止非有禮義以養其心

中和以養其氣始於勇敢終於勇敢而巳矣

記曰貴於勇敢彊有力者其敢行從義也

天下無事則用之於禮義天下有事則用之

於戰勝用之戰勝則無敵用之於禮義則順
治太宗於天下無事不知用之於禮義而惟
以戰勝為義也是故以天子之尊而較勝於
遠夷一戰而克自以為功其器不亦小哉

愚按漢耿弇之討張步也弇為飛矢所中
光武時在魯知弇為步所攻自往救之未

至陳俊謂弇曰劇虜兵威可攻且閉營休士
以待上來弇曰乘與且到臣子當擊牛醢

酒以待百官反欲以賊虜遺君父邪乃出
戰而破之此與道宗敗高麗兵事正同蓋

臣子之義職當如是也若道宗者可謂
盡臣子之義

太宗帝範曰貞觀二十二年正月太宗作帝範

賢審官納諫去讒戒盈崇夫音兵甲者國家凶

器也土地雖廣好戰則人凋中國雖安忘戰

則人殆凋非保全之術殆非擬寇之方不可以

全除不可以常用故農隙講武習威儀也三年

治兵辨等列也是以勾踐執蛙卒成霸業勾踐越王

名越王既為吳所敗脩德治兵謀雪吳恥見徐

偃棄武終以喪邦徐夷國子爵僭稱偃王周穆

武備故至於此不明何也越習其威徐忘其備也

孔子曰以不教人戰是謂棄之論語故知孤矢

之威以利天下易大傳曰孤矢天下此用兵之職也

愚按書稱放牛歸馬詩言戢戈棄弓甚矣

兵非聖人之所尚也然嘗觀周公作周禮

極言師帥旅帥卒長伍長之制詳陳振旅

如大敵之臨焉是兵亦非聖人之所廢也

寇之方兵不可以全除亦不可以常月聖人復起不易斯言矣

貞觀二十二年太宗將重討高麗重平是時房

玄齡寢疾增劇顧謂諸子曰當今天下清謐咸

得其宜唯欲東討高麗方為國害吾知而不言

可謂銜恨入地遂上表諫曰臣聞兵惡不戢鳥惡

去聲武貴止戈後同當今聖化所覃無遠不暨上古

所不臣者陛下皆能臣之所不制者皆能制之

詳觀古今為中國患害無過突厥厥遂能坐運神

策不下殿堂大小可汗相次束手分典禁衛執

戟行間行音杭其後延陀鳥也鴟張鳥也尋就夷滅

鐵勒慕義請置州縣沙漠已北萬里無塵至如

高昌叛渙於流沙吐渾首鼠於積石偏師薄伐

俱從平蕩高麗歷代逋誅莫能討擊陛下責其

逆亂殺主虐人親統六軍問罪遼碣未經旬日

即拔遼東前後虜獲數十萬計分配諸州無虞

不滿雪往代之宿恥隋文帝十八年高麗寇遼西遣楊諒討之無功煬帝

六年徵其王元入朝不至八年徵天下兵擊之帝親攻諸城不下來護兒宇文述等大敗九年

復親征不拔十年復討掩嶠陵之枯骨左傳信公三十

三年晉人及姜戎敗秦師于殽文公二十一年秦伯伐晉濟河焚舟取王官及郊晉人不出遂自茅

津濟封殽尸而還比功校德萬倍前王此聖主所自知

微臣安敢備說且陛下仁風被于率土孝德彰

於配天觀夷狄之將亡則指期數歲授將帥之

節度

將帥之將去聲後同

則決機萬里屈指而候驛視景

而望書符應若神算無遺策擢將於行伍之中

取士於凡庸之末遠夷單使

去聲

一見不忘小臣

之名未嘗再問箭穿七札

札甲也

養由

弓貫六

鈞

左傳定公八年魯伐齊士皆列額高之弓六鈞

加以留情墳典屬意

篇什

屬音蜀

筆邁鍾張

見師傳

詞窮賈馬

漢賈誼司馬相

如曾文人

文鋒既振則宮徵自諧

徵音止

輕翰暫飛則

花葩競發撫萬姓以慈遇羣臣以禮褒秋毫之

善解吞舟之網逆耳之諫必聽膚受之愬斯絕

論語曰膚受之愬不好生之德好去禁障塞於

行焉可謂明也已矣江湖惡殺之仁息鼓刀於屠肆鳧鶴荷稻梁之

惠荷去聲犬馬蒙帷蓋之恩降尊吮思摩之瘡貞觀

十九年太宗征遼攻白巖城右衛大將軍登堂

李思摩為流矢所中太宗親為之吮血臨魏徵之柩徵卒太宗臨哭之慟哭戰亡之

卒則哀動六軍十九年太宗征高麗至營州詔

東南命有司設太牢上負填道之薪則情感天

地十九年太宗渡遼澤泥潦車馬不通命長

上自繫薪於重黔黎之大命特盡心於庶獄臣

心識昏憤豈足論聖功之深遠談天德之高大
我陛下無衆美而有之靡不備具微臣深為陛
下惜之重之愛之實之周易曰知進而不知退
知存而不知亡知得而不知喪又曰知進退存
亡而不失其正者其惟聖人乎易文言傳釋由
此言之進有退之義存有亡之機得有喪之理
老臣所以為陛下惜之者蓋謂此也老子曰知
足不辱知恥不殆臣謂陛下威名功德亦可足
矣拓地開疆亦可止矣彼高麗者邊夷賤類不
足待以仁義不可責以常理古來以魚鱉畜之

宜從闊略必欲絕其種類深恐獸窮則搏且陛下每決死囚必令聲平三覆五奏進素食停音樂者蓋以人命所重感動聖慈也況今兵士之徒無一罪戾無故驅之於戰陣之間委之於鋒刃之下使肝腦塗地魂魄無歸令其老父孤兒寡妻慈母望轆車而掩泣抱枯骨而摧心足變動陰陽感傷和氣實天下之冤痛也且兵凶器戰危事不得已而用之向使高麗違失臣節而陛下誅之可也侵擾百姓而陛下滅之可也久長能為中國患而陛下除之可也有一於此雖日

殺萬夫不足為媿今無此三條坐煩中國內為

舊主雪怨

為去聲後外為同十七年高麗臣莫離支弒其君高武而獨專國政太宗

於是有征

外為新羅報讎

十七年高麗遣使言百濟攻取其國四十

餘城復與高麗連兵謀絕新羅入朝之路乞兵

救援上命司農丞相里玄獎齋璽書賜高麗使

勿攻新羅莫離支竟不從玄獎還具言其狀上於是欲征之

豈非所存者小

所損者大願陛下遵皇祖老子止足之誠以保

萬代魏巍之名發霈然之恩降寬大之詔順陽

春以布澤許高麗以自新焚凌波之船罷應募

之衆

洛十八年太宗欲征遼東長安募士三千戰艦五百艘

自然華夷慶

賴遠肅邇安臣老病三公朝夕入地所恨竟無

塵露微增海岳謹罄殘魂餘息豫代結草之誠

左傳宣公十五年秦伐晉次于輔氏魏顆敗秦師獲杜回初魏武子有嬖妾无子武子疾命顆

曰必嫁是疾甚則曰必殉又卒顆見光人結草以充杜回杜回曰踐而顛故獲之夜夢之曰余而

所嫁之婦入父也爾用爾儻蒙錄此哀鳴即臣

死骨不朽太宗見表歎曰此人危篤如此尚能

憂我國家雖諫不從終為善策

唐氏仲友曰易既濟六三與未濟九三均是伐鬼方均是三年之伐在既濟則戒之在未

濟則勉之武功之未成聖人必勉之於始武功之既成聖人必戒之於終玄齡之書得既

濟之象太宗莫之聽者無畏相之心耳

朱氏黼曰玄齡於太宗左右未嘗有所可否每逢帝怒惟震懼遜謝非不能諫也史稱王

魏善諫諍房杜讓其直是以太宗初舉伐遼
遂良再言之不聽至是再舉外庭無敢一言
雖玄齡任用之久相信之深亦不敢面陳於
在庭之日獨表諫於屬纊僅存之際理切詞
盡太宗嘉納不之從也至身沒而後
罷之以此觀太宗晚節大略可致矣
愚按玄齡此疏乃太宗征遼無功之後思
謀再舉之時而玄齡行將屬纊續之日也此
疏辭意懇切何乃不見於初親征之際耶
豈太宗忿心難懲縱忠言苦口不足以尼
其行耶抑乃俟其大舉無成夫然後諫耶
然玄齡此疏切矣太宗止曰此入危篤尚
能憂我國家亦未有樂從之意越明年則
以疾而命皇儲聽政矣否則忿兵再舉事
未可知也書曰無怠無荒四夷來王又曰
明王慎德四夷咸賓帝王保治厥有旨哉
以太宗之賢猶爾况其次者乎

貞觀二十二年軍旅亟動宮室互興百姓頗有

勞弊充容

唐制女官一也

徐氏

名惠長城人生五月能言四歲通經

八歲屬文

父孝德嘗試使擬離騷為小山篇曰

仰幽巖而流盼撫桂枝以凝想將千齡兮此遇

卷何為兮獨往太宗問之召為才人手不釋上

卷文辭敏贍帝益禮顧永徽初卒贈賢妃

上

疏諫曰貞觀已未二十有餘載風調雨順年登

歲稔人無水旱之弊國無饑饉之災昔漢武帝

守文之常主猶登刻王之符

漢武帝封泰山下

東方如郊祠太一

之禮封廣丈二尺高九尺其下則

之庸君尚塗

塗圖古

泥金之望

齊桓公小國

諸侯於葵丘欲

行封禪後漢制封禪用玉牒王檢陛下推功損

以水銀和金為泥塗者望而祭也

已讓德不居億兆傾心猶闕告成之禮

通典古

者帝王

王

王

王

之興每易姓而起以致太平云亭佇謁未展升

中之儀皆山名禮云升中于天此之功德足

以咀嚼百王網羅千代者矣然古人有云雖休

勿休良有以也守保未備聖哲罕兼是知業大

者易驕易以切後同願陛下難之善始者難終願陛

下易之竊見頃年以來力役無終東有遼海之

軍西有崑丘之役士馬疲於甲冑舟車倦於轉

輸轉去聲且召募投戎去留懷死之痛因風阻浪

人有漂溺之危一夫力耕年無數十之獲一船

致損則傾覆數百之糧是猶運有盡之農功填

無窮之巨浪圖未獲之他衆喪已成之我軍雖
除兇伐暴有國常規然黷武習兵先哲所戒昔
秦皇併吞六國反速危禍之基晉武奄有三方
翻成覆敗之業豈非矜功恃大棄德輕邦圖利
忘害肆情縱欲遂使悠悠六合雖廣不救其亡
嗷嗷黎庶因弊以成其禍是知地廣非常安之
術入勞乃易亂之源願陛下布澤流仁此下疑
闕四字
減行役之煩增雨露之惠妾又聞為政之本貴
在無為竊見土木之功不可遂燕北闕初建南
營翠微曾未喻時王華創制曾音層翠微
王華並宮名非惟

構架之勞頗有工力之費雖復茅茨示約猶興
木石之疲假使和雇取人不無煩擾之弊是以
卑宮菲室聖王之所安金屋瑤臺驕主之為麗
故有道之君以逸逸人無道之君以樂樂身樂並
音洛願陛下使之以時則力不竭矣用而息之則
心斯悅矣夫珍玩技巧為喪國之斧斤夫音扶後同
珠玉錦繡實迷心之醜毒竊見服玩鮮靡如變
化於自然職貢奇珍若神仙之所製雖馳華於
季俗實敗素於淳風是知漆器非延叛之方桀
造之而人叛玉杯豈招亡之術紂用之而國亡

紂始為象箸箕子曰彼為象箸必將為犀玉之杯方驗侈麗之源不可

不過夫作法於儉猶恐其奢作法於奢何以制

後伏惟陛下明照未形智周無際窮奧秘於麟

閣

漢宣帝圖功臣於麒麟閣

盡探願於儒林

探平聲願土革切

千王

理亂之蹤百代安危之迹興亡衰亂之數得失

成敗之機回亦包吞心府之中循環目圍之內

乃宸衷久察無假一二言焉惟知之非難行之

不易志驕於業著體逸於時安伏願抑志摧心

慎終成始削輕過以添重德擇今是以替前非

則鴻名與日月無窮盛業與乾坤永泰太宗甚

善其言特加優賜甚厚

愚按人臣進諫於君古人擬之批鱗雖士夫猶以為難况婦人女子乎其元之史則鄧曼論莫敖之敗成風請須句之封班姬辭共輦之載劉氏救元達之刑寥寥千載不多見也太宗納諫之德冠絕古今外之房杜王魏內之文德皇后亦足以交修而夾輔之矣宮妾之中復有如徐氏者焉觀其諫疏有光師宿儒不能遠過者嗚呼賢哉

安邊第三十六章 凡二

貞觀四年李靖擊突厥頡利敗之其部落多來

歸降者降下江詔議安邊之策中書令溫彥博

議請於河南處之處上聲準漢建武時置降匈奴

奴於五原塞下

塞音賽後同五原塞
今為豐州隸河東

全其部落

得為捍蔽又不離其土俗因而撫之一則實空
虛之地二則示無猜之心是含育之道也太宗
從之秘書監魏徵曰匈奴自古至今未有如斯
之破敗此是上天勦絕宗廟神武且其世寇中
國萬姓寃讎陛下以其為降不能誅滅即宜遣
發河北今山東道居其舊土匈奴人面獸心非我族
類強必寇盜弱則卑伏不顧恩義其天性也秦
漢患之者若是故時發猛將以擊之將去聲收其
河南以為郡縣陛下以內地居之且今降者幾

至十萬數年之後滋息過倍居我肘腋用邇王
畿心腹之疾將為後患尤不可處以河南也溫
彥博曰天子之於萬物也天覆地載有歸我者
則必養之今突厥破除餘落歸附陛下不加憐
愍棄而不納非天地之道阻四夷之意臣愚甚
謂不可宜處之河南所謂死而生之亡而存之
懷我厚恩終無叛逆魏徵曰晉代有魏時胡部
落分居近郡江統勸逐出塞外武帝不用其言
數年之後遂傾瀍洛

江統字應元陳留人晉武帝時為山陰令時關隴

氏羌所擾統深推四夷亂華宜杜其萌乃作戎論帝不能用未及十年而夷狄亂華時入服

識其深

前代覆車殷鑒不遠陛下必用彥博言遣

居河南所謂養獸自遺患也彥博又曰臣聞聖

人之道無所不通突厥餘魂以命歸我收居內

地教以禮法選其酋首

酋首切後同

遣居宿衛畏威

懷德何患之有且光武居河南單于於內郡

音單

蟬

以為漢藩翰終于一代不有叛逆又曰隋文

帝勞兵馬費倉庫樹立可汗令復其國

令平聲後同

後孤恩失信圍煬帝於鴈門

隋開皇二十一年突厥突利為

啓民可汗妻以義成公主大業十一年煬帝巡

北邊始畢可汗帥騎數十萬謀襲帝義成公主

遣使告變帝馳入鴈門突厥圍鴈門急

攻之帝泣目盡腫後公主以計解圍

今陛下

仁厚從其所欲河南河北任情居住各有酋長

音不相統屬力散勢分安能為害給事中杜楚

客如晦弟也少尚奇節初建威難作道舍嵩山

貞觀四年召為給事中太宗曰人不恤無官

患才不副而兄與我共支一心者余當如兄事

吾進蒲州刺史有能名遷工部尚書攝府事以

威肅進曰北狄入而獸心難以德懷易以威服

聞今令其部落散處河南逼近中華久必為

易以切患至如鴈門之役雖是突厥背恩背音自由隋

主無道中國以之喪亂豈得云興復亡國以致

此禍夷不亂華前哲明訓存亡繼絕列聖通規

臣恐事不師古難以長久太宗嘉其言方務懷

柔未之從也率用彥博策

卒子

自幽州至靈州

東至幽州西至靈州也

置順祐化長四州都督府以處之

其人居長安者近且萬家自突厥頡利破後諸

部落首領來降者皆拜將軍中郎將布列朝廷

郎將之將去聲

五品已上百餘人殆與朝士相半唯拓

拔不至

拓他各切拔蒲末切夷複姓

又遣招慰之使者相望

於道

使去聲

涼州都督李大亮以為於事無益徒

費中國上疏曰臣聞欲綏遠者必先安近中國

百姓天下根本四夷之人猶於枝葉擾其根本

以厚枝葉而求久安未之有也自古明王化中

國以信馭夷狄以權故春秋云戎狄豺狼不可

厭也諸夏親昵不可棄也

左傳閔公元年管仲告齊侯之辭

自

陛下君臨區宇深根固本人逸兵強九州殷富

四夷自服今者招致突厥雖入提封臣愚稍覺

勞費未悟其有益也然河西民庶鎮禦藩夷州

縣蕭條戶口鮮少

鮮上聲

加因隋亂減耗尤多突

厥未平之前尚不安業匈奴微弱以來始就農

畝若即勞役恐致妨損以臣愚惑請停招慰且

謂之荒服者故臣而不納是以周室愛民攘狄

竟延八百之齡秦王輕戰事胡故四十載而絕

滅漢文養兵靜守天下安豐孝武揚威遠略海

內虛耗雖悔輪臺追已不及

漢武帝既悔遠征而搜粟都尉桑

弘羊與丞相御史奏言故輪臺以東有溉田五千頃以上請置校尉分護歲收其利以威西國

上不從乃下詔至于隋室早得伊吾無統鄯善

伊吾鄯善並西域國名伊吾在大磧外且既得南至王門關八百里漢宜禾都尉所治

之後勞費日甚虛內致外竟損無益遠尋秦漢

近觀隋室動靜安危昭然備矣伊吾雖已臣附

遠在藩磧民非夏人地多沙鹵其自豎立稱藩

附庸者請羈縻受之使居塞外必畏威懷德永

為藩臣盖行虛惠而收實福矣近日突厥傾國

入朝既不能俘之江淮以變其俗乃置於內地
去京不遠雖則寬仁之義亦非久安之計也每
見一人初降賜物五匹袍一領酋長悉授大官
祿厚位尊理多糜費以中國之租賦供積惡之
凶虜其衆益多非中國之利也太宗不納十三
年太宗幸九成宮突厥可汗弟中郎將阿史那
結社率陰結所部將去聲阿史那突厥姓名結社率突利可汗之弟時為中
將郎并擁突利子賀羅鶻夜犯御營事敗皆捕斬
之太宗自是不直突厥悔處其部衆於中國還
其舊部於河北建牙於故定襄城立李思摩為

乙彌泥熟俟利莎可汗以主之因謂侍臣曰中

國百姓實天下之根本四夷之人乃同枝葉擾

其根本以厚枝葉而求久安未之有也初不納

魏徵言遂覺勞費日甚幾失久安之道幾平聲

大亮疏以下至太宗不納另為一章十三年以下接前段為一章今按其是一事因次第其辭

合為一章又按通鑑載此

事衆議甚詳辭多不錄此

胡氏寅曰獻言之道惟理是憑則言必忠聽

言之道勿以同於己言為是則聽必審太宗

而太宗不厭徧詢在廷未若魏徵之言盡善也

策太宗之所為者其偶同歟未可知也其

先意承志歟未可知也其偶同則不應

言之再三如先意承志則不得為忠矣太宗

用其言未幾有矢及帳殿之變如此而欲功

加外荒冠帶百蠻者
非聖主之威節也

又曰魏公嘗勸用侯君集為宰相若集反太

宗疑徵黨之絕意什碑溫彥博勸居突厥塞

內突厥反太宗不怒彥博而追思魏徵之言

事同而處之異何也以彥博見留突厥塞內使充

宿衛如一家者本太宗雄夸之心彥博探其

微贊之故不以歸咎與雖然行宮入幕之變

亦已危矣太宗慕冠帶百蠻之名推心

不疑幾至危殆豈非後世之永戒哉

唐氏仲友曰荀卿言以德兼人者王以富兼

人者貧突厥既破頡利既擒若用魏公之言

使處河北於邊無擾於國無費不亦善乎乃

卒用彥博之策善不不因結社之亂悉從故也

假之世數蕃孽為唐之費不亦重乎大抵處

置降人最難內之中國亂華俗置諸塞內生

後患惟反之故地為立若長從其故俗

服則為藩國去不為叛臣此長策也

愚按昔成周盛時四夷來朝坐之國門之

外蓋亦如九服之制蠻夷鎮藩在所外也

春秋之世秦晉遷陸渾之戎于伊川其後

揚拒泉臯伊維之戎入王城伐京師鉅子

帶之所召亦始遷之失也晉江統之論可

以為鑑矣唐興太宗以武定天下天下既

平窮荒悉服突厥之委命關庭尤漢以下

之所無者固宜置之中原夏夸示遠近也當

是時魏徵以忠直得上心屢有回天之

力竟莫之回溫彥博以儒巨遇合處置

落之議胡為乎獨異象正之見邪遂使蕃

酋列在禁衛有因而入居長安者近萬家

此與陸渾之居伊維何以異哉彼為成周

之表時此為有唐之盛際太宗樂於從魏

徵之言者胡獨於此而不從之乎他日綠

山之亂宮闈豈非太宗詒謀有以啓之

貞觀十四年侯君集平高昌之後太宗欲以其

地為州縣魏徵曰陛下初臨天下高昌王先來

朝謁自後數有商胡數音朔稱其竭絕貢獻加之

三
上
卷
正
五
州

三
十
五

不禮大國詔使去聲遂使王誅載加若罪止文泰

高昌王姓斯亦可矣未若因撫其民而立其子

所謂伐罪吊民威德被於遐外為國之善者也

今若利其土壤以為州縣常須千餘人鎮守數

年一易每來往交替死者十有三四遣辦衣資

離別親戚十年之後隴右空虛陛下終不得高

昌操數尺布以助中國所謂散有用而事無用

臣未見其可太宗不從竟以其地置西州仍以

西州為安西都護府每歲調發千餘人調去聲防

遏其地黃門侍郎褚遂良亦以為不可上疏曰

臣聞古者哲后臨朝明王創業必先華夏而後

夷狄廣諸德化不事遐荒是以周宣薄伐至境

而反

周宣王名靖詩曰薄伐獫狁至始皇遠塞

中國分離

秦始皇使蒙恬發兵三十萬人收河

制險塞起臨洮至陛下誅滅高昌威加西域收

其鯨鯢以為刑縣然則王師初發之歲河西供

役之年

供平飛芻輓粟十室九空數郡蕭然五

年不復陛下每歲遣千餘人而遠事屯戍終年

離別萬里思歸去者資裝自須營辦既賣穀粟

傾其機杼經途死亡復在方外無遣罪人增其

身
卷之九

三十一

防遏所遣之內復有逃亡官司捕捉為國生事

為去聲高昌塗路沙磧千里冬風冰冽夏風如焚

行人遇之多死易云安不忘危理不忘亂說令

平聲張掖塵飛酒泉烽舉張掖今為甘州路隸甘肅

陛下豈能得高昌一人菽粟而及事乎終須設

隴右諸州星馳電擊由斯而言此河西者方於

心腹彼高昌者他人手足豈得糜費中華以事

無用陛下平頡利於沙塞滅吐渾於西海突厥

餘落為立可汗吐渾遺萌更樹君長音掌復立高

昌非無前例此所謂有罪而誅之既服而存之

宜擇高昌可立者徵給首領遣還本國負戴洪
恩長為藩翰中國不擾既富且寧傳之子孫以
貽後代疏奏不納至十六年西突厥遣兵寇西
州太宗謂侍臣曰朕聞西州有警急雖不足為
害然豈能無憂乎往者初平高昌魏徵褚遂良
勸朕立麴文泰子弟依舊為國朕竟不用其計
今日方自悔責昔漢高祖遭平城之圍而賞婁
敬漢高帝欲擊匈奴使婁敬使匈奴還報曰匈奴
奴伏奇兵以爭利不可擊也上怒曰齊虜以
口舌得官廼今妄言沮吾軍械至平城匈奴果出奇兵圍帝白登七日然後得
以解還至廣武赦敬曰吾不用公言索紹敗於官

渡而誅田豐

漢獻帝時曹操兵大破袁紹於官

稍復歸或謂豐曰君必見重豐曰公今戰敗

而歸內恚將發吾不望生紹謂逢紀曰曰別駕

前諫止吾吾慙之紀曰豐聞將軍之退朕恒以

拊手大笑喜其言之中也袁紹遂殺豐朕恒以

此二事為誠寧得忘所言者乎

范氏祖禹曰魏徵之言其利害非不明也以

太宗之智豈不足知之惟其好大而喜遠矜

功而不從而欲前以義制心故忠言有所不

又曰有國者喪師之禍小而或以霸秦穆公

勾踐是也得地之福大而或以亡楚靈王齊

滑王是也是故廣地不若廣德疆兵不若疆

民先王患德之不足而不患地之不廣患民

之不安而不患兵之不疆封域之外聲教所

不及者不以煩中國也太宗不從忠諫卒自

咎悔況不若太宗

之疆而可為乎

胡氏寅曰中國禮義之地西夷所為視効而
賓服者也高昌有罪王師討之既聞其喪是
罪人已死則宜按兵遣使立其嗣子懷以恩
信乃不攻而自服之道也今乃伐其憂荒無
禮無義夫豈天子之兵乎是故以利言之無
入之隙迫以強暴坐收數百里之地斥廣與
圖信足以夸耀一時以義言之則窮兵遠討
以高昌王一人桀驚之故而係累其孤郡縣
其土仁者
不為也

真氏德秀曰是時褚遂良亦諫不從十七年
西突厥入寇帝悔之曰魏徵褚遂良勸我復
立高昌吾不用其言今方自咎耳初議處突
厥於河南徵爭之而帝不從後以結社率之
變而悔後議以高昌為郡縣徵爭之而帝復
不從又以西突厥入寇而悔使早從忠言安
有是哉然知過而能
悔此其所以興也
愚按自夏禹西戎即叙之後成周西旅底
貢之餘通西域而開王關極域亦諸國悉

服實始於漢武然中國勞弊亦已甚矣開
王關謝西域此光武所以為盛德也太宗
滅高昌置都護由是為開通西域之計而
燕支疏勒上慈于闐四鎮遂為遐陬重地
至于開元自王門以西烟火萬里為唐極
盛會幾何時天寶以後事勢日非前日之
輿圖遼為戎馬之郊矣周公言曰德不
加焉則君子不饗其質政不施焉則君子
不臣其入况奪其土地而置以郡縣乎
務廣地不如務廣德古訓豈虛語哉

貞觀政要卷第九

貞觀政要卷第十

戈直集論

論行幸三十七

論畋獵三十八

論灾祥三十九

論慎終四十

行幸第三十七

凡四章

貞觀初太宗謂侍臣曰隋煬帝廣造宮室以肆

行幸自西京至東都離宮別館相望道次乃至

并州涿郡

今涿州路隸腹裏

無不悉然馳道皆廣數百

步種樹以飾其傍人力不堪相聚為賊逮至末

年尺土一人非復已有以此觀之廣宮室好行

幸

好去聲

竟有何益此皆朕耳所聞目所見深以

自誠故不敢輕用人力惟令平聲百姓安靜不有怨叛而已

貞觀十一年太宗幸洛陽宮泛舟于積翠池顧

謂侍臣曰此宮觀臺沼

觀去聲

並煬帝所為所謂

驅役生人窮此雕麗復不能守此一都以萬人

為慮好行幸不息

好去聲

人所不堪昔詩人云何

草不黃何日不行

詩大雅何草不黃篇之辭

大東小東杼軸

其空

詩小雅大東篇之

正謂此也遂使天下怨叛身死

國滅今其宮苑盡為我有隋氏傾覆者豈惟其君無道亦由股肱無良如宇文述虞世基裴蘊

之徒

皆隋臣

居高官食厚祿受人委任惟行諂佞

蔽塞聰明欲令其國無危

令平聲

不可得也司空

長孫無忌奏言隋氏之亡其君則杜塞忠讜之

言臣則苟欲自全左右有過初不糾舉寇盜滋

蔓亦不實陳據此即不惟天道實由君臣不相

匡弼太宗曰朕與卿等承其餘弊惟須弘道移

風使萬世永賴矣

貞觀十三年太宗謂魏徵等曰隋煬帝承文帝

餘業海內殷阜若能常處關中

處上聲

豈有傾敗

遂不顧百姓行幸無期徑往江都不納董純崔

象皆隋臣等諫諍身戮國滅為天下笑雖復帝祚

長短委以玄天而福善禍淫亦由人事朕每思之若欲君臣長久國無危敗君有違失臣須極言朕聞卿等規諫縱不能當時即從再三思審必擇善而用之

貞觀十二年太宗東巡狩將入洛次於顯仁宮

宮苑官司多被責罰侍中魏徵進言曰陛下今

幸洛州為是舊征行處為去聲後為其同庶其安定故

欲加恩故老城郭之民未蒙德惠官司苑監多

及罪辜或以供奉之物不精供平聲又以不為獻

食此則不思止足志在奢靡既乖行幸本心何
以副百姓所望隋主先命在下多作獻食獻食
不多則有威罰上之所好去聲下必有甚競為無
限遂至滅亡此非載籍所聞陛下目所親見為
其無道故天命陛下代之當戰戰慄慄每事省
約參蹤前列昭訓子孫奈何今日欲在人之下
陛下若以為足今日不啻足矣音翅若以為不
足萬倍於此亦不足也太宗大驚曰非公朕不
聞此言自今已後庶幾無如此事樂平聲按通鑑係十一年
上至顯仁宮宮吏以闕諸待有被譴實魏徵諫
日云云上驚曰非公不聞此言因謂長孫無忌

等曰朕昔過此買飯而食儼舍而宿今供頓如此豈得猶嫌不足乎

范氏祖禹曰富而不忘貧則能保其貴矣夫以萬乘之貴四

海之富而猶以為不足何哉忘其始之賤貧而欲大無窮也是以高宗舊勞于外爰暨小

人及其即位卒為賢君文王早服即康功田功周公作書以戒成王恐其不知稼穡之艱

難而驕逸也漢文有曰朕能任衣冠念不至此是以恭儉愛民惟恐煩之嗚呼其可謂有

德者矣若太宗聞諫而能自省不亦賢乎又曰太宗可謂不忘戒矣觀隋之宮室而

諂諛掩蔽戒羣臣夫知彼之所以亡則圖我

之所以存而不敢怠矣此三王之所由興也

愚按有虞之制五載一巡守成周之盛六年一時巡肆覲羣后大明熙陟協時月正

日同律度量衡無非事也其車從至為簡省其供給至為儉約故民以其行為幸

所不行為不率所謂吾王不遊吾何以休
是也後世楊廣朱溫巡遊不息始務豐侈
其飲食美麗其行宮以供給過制為賢能
以置頓不備為罷軟州縣承風競為勞費
於足百姓聞車馬之音見羽旄之美舉疾
首蹙頞而相告矣太宗親睹煬帝之禍猶
以供奉不精多所賞罰况其餘者乎夫古
之巡幸所以徇民後之巡幸所以徇己人
君欲復虞周巡守之制苟不先省其車從
之數約其供給之儀未有不蹈隋梁之失
也者

畋獵第三十八章
凡五章

秘書監虞世南以太宗頗好畋獵
好去聲上疏諫

曰臣聞秋獮冬狩蓋惟恒典
獮音蘇周禮大司馬仲秋教治兵以

獮田致禽以紀昉仲冬教射隼從禽備乎前誥
大閱以狩田致禽以烹烝

射食亦切禽也伏惟陛下因聽覽之餘辰順天道

以殺伐將欲摧斑碎掌親御皮軒田獵之車也窮猛

獸之窟穴盡逸材之林藪夷兇翦暴以衛黎元

收革擢羽用充軍器舉旗效獲式遵前古然黃

屋之尊金輿之貴八方之所仰德萬國之所繫

心清道而行猶戒銜檠斯益重慎防微為社稷

也為去聲是以馬卿直諫於前司馬相如字長卿漢武帝時為郎嘗

從帝獵長楊帝好自擊熊豕馳逐野獸相如上疏諫帝從之張昭變色於後

張昭字子布彭城人為吳主孫權軍師權嘗乘馬射虎昭變色而諫之臣誠細微

敢忘斯義且天弧星畢音畢也所殪已多殪音翳殺死也

頒禽賜獲皇恩亦溥伏願時息獵車且韜長戟
不拒芻蕘之請降納涓澮之流袒裼徒搏任之
羣下則貽範百王永光萬代太宗深嘉其言

愚按傳曰春蒐夏苗秋獮冬狩皆於農隙
以講武也王制天子無事則歲三田周禮
大閱之制獨為詳備則畋獵固古禮也何
外作禽荒見於大禹之訓而不敢盤于遊
田乃為文王之德正以畋獵雖古制有因
是而勞師擢武妨農害民者矣况後世萬
乘之動供給之繁徵求之累乎太宗身親
行陣尅捷奏功其於遊獵固其好尚必有
不遵制而病民者宜世南懇
切之諫有以動上之聽矣

谷那律

魏州昌樂人貞觀中累遷國子博士後
遷諫議大夫淹識羣書褚遂良稱為九

經為諫議大夫嘗從太宗出獵在途遇雨太宗

問曰油衣若為得不漏對曰能以瓦為之必不

漏矣意欲太宗弗數遊獵數音大彼嘉納賜帛

五十段加以金帶按通鑑此事係在高宗永徽元年九月癸亥與此異而新

舊唐書則同

唐氏仲友曰谷那律淹識羣書褚遂良嘗稱

為九經庫油衣瓦為不漏之對可見質直蓋

淹識之士難乎質直故三益之友得一已善而况兼之者乎

愚按家語記孔子之言曰忠臣之諫君有

五義焉其五曰諷諫惟度主以行之吾從

其諷諫乎夫所以諷諫者假他事引援而

諫者也谷那律以儒學之臣居諫議之職

以瓦為衣之對雖過於質直其諷諫之謂

也

貞觀十一年太宗謂侍臣曰朕昨往懷州今懷慶路

隸腹裏

有上封事者云何為恒差山東衆丁於苑

內營造即日徭役似不下隋時懷洛以東殘人

不堪其命而田獵猶數音朔驕逸之主也今者復

來懷州田獵忠諫不復至洛陽矣復音缶四時蒐

田蒐音搜秋音搜日蒐音搜冬音搜日蒐音搜夏音搜日蒐音搜既音搜是帝王常禮今日懷

州秋毫不干於百姓凡上書諫正自有常準臣

貴有詞主貴能改如斯詆毀有似呪詛侍中魏

徵奏稱國家開直言之路所以上封事者尤多

陛下親自披閱或冀臣言可取所以僥倖之士

得肆其醜臣諫其君甚須折衷從容諷諫從切

漢元帝名爽嘗以酎祭宗廟酎音厚故以薦宗廟也

出便門御樓船御史大夫薛廣德字長卿沛郡人當乘

輿免冠曰宜從橋陛下不聽臣言臣自刎以劉

血汙車輪汙去聲陛下不入廟矣元帝不悅光祿

卿張猛進曰臣聞主聖臣直乘船危乘平聲就

橋安聖主不乘危廣德言可聽元帝曰曉人不

當如是耶乃從橋以此而言張猛可謂直臣諫

君也太宗大悅

愚按魏徵不取廣德之直言而取張猛之直諫不過順太宗之意而言耳蓋嘗聞先

儒之言曰諫者之剴切君德已信於人也其遜其忤

言者之得失則二在人主為進德之驗此則

正太宗君德信於人之驗也若以張猛之

諷諫為是則是漢元之昏庸期太宗耳

貞觀十四年太宗幸同州今仍舊沙苑親格猛

獸復晨出夜還音旋特進魏徵奏言臣聞書美

文王不敢盤于遊田周書曰文王不敢盤于傳

述虞箴稱夷羿以為戒傳去聲左傳魏絳告晉

帝夷羿冒于原獸虞昔漢文臨峻坂欲馳下來

盎楚人漢文帝將攬轡曰聖主不乘危乘平不徼

幸今陛下駢六飛名馬馳不測之山如有馬驚車

敗陛下縱欲自輕奈高廟何文帝從霸陵上欲西馳下峻坂袁盎

諫帝曰將軍怯耶盎曰臣聞千金之子不倚衡云帝乃止孝武好

格猛獸好去聲相如進諫力稱烏獲秦武王力士舉龍文

鼎捷言慶忌吳王僚之子射能捷矢人誠有之獸亦宜然

猝遇逸材之獸駭不存之地雖烏獲逢蒙之伎

逢音龐逢蒙古之善射者不得用而枯木朽株盡為難矣雖

萬全而無患然而本非天子所宜章註見首孝元

帝郊泰畤郊祀之時因留射獵薛廣德字長卿沛郡人時為

長信少府御史大夫稱竊見關東困極百姓離災今日撞

亡秦之鍾歌鄭衛之樂士率暴露從官勞倦去從

聲

欲安宗廟社稷何憑河暴虎未之戒也臣竊

思此數帝心豈木石獨不好馳騁之樂音洛後同而

割情屈已從臣下之言者志存為國為去聲後同不

為身也臣伏聞車駕近出親格猛獸晨往夜還

以萬乘之尊闇行荒野踐深林涉豐草甚非萬

全之計願陛下割私情之娛罷格獸之樂上為

宗廟社稷下慰羣寮兆庶太宗曰昨日之事偶

屬塵昏非故然也自今深用為誡

愚按魏徵諫獵之辭援古監今倦倦忠篤
比虞世南奏疏尤為鑒至切足以儆動

卷之四十五

其君之聽庶幾之語太宗為得不為之感悟哉若魏徵者可謂能引君於道矣

貞觀十四年冬十月太宗將幸櫟陽櫟音藥櫟陽今為武

寧縣屬遊畋縣丞劉仁軌字正則汴州人初為

折衝奇尉豪縱犯法縣莫敢屈仁軌擗殺之太

宗召詰責仁軌曰寧辱臣臣於殺之帝以為剛

直擢武陽丞累遷給事中武后時拜僕射以收穫未畢非人君順動

之時詣行所上表切諫太宗遂罷獵擢拜仁軌

新安令新安縣名今仍舊隸河南府路

按史傳太宗校獵同州仁軌諫曰今茲澍澤露

足百穀熾茂收纔十二常日贅調已有所妨又

供獵事繕橋治道役雖簡省猶不損數萬以延

一旬使場園早勞陛下六飛徐驅公私交泰上

聖書褒納拜新安令

愚按劉仁軌一縣丞耳而能效一言之忠
動萬乘之聽其忠君愛民之心有待從之
臣所未能者可不謂難乎哉蓋仁軌嘗為
陳倉尉太宗以其剛直擢咸陽丞則其受
知於太宗有由來矣然非太宗有從諫之
美樂善之誠則仁軌雖有剛直之操將安
所施哉適足以獲罪而已矣仁軌官由州
縣而致宰相善致聲譽得吏民懽心為史
傳所稱美出宰百里
者可不知所效法邪

災祥第三十九章凡四

貞觀六年太宗謂侍臣曰朕比見衆議比音以

祥瑞為美事頻有表賀慶如朕本心但使天下
太平家給人足雖無祥瑞亦可比德於堯舜若
百姓不足夷狄內侵縱有芝草徧街衢鳳凰巢

苑囿亦何異於桀紂嘗聞石勒時

石勒上黨匈奴人晉元帝

時據襄國稱帝是為後趙

有郡吏燃連理木煮白雉肉喫豈

得稱為明主耶又隋文帝深愛祥瑞遣秘書監

王劭著衣冠在朝堂對考使

去聲

焚香讀皇隋感

瑞經

隋文帝好機祥小數王劭言上受命符瑞甚衆又採歌謠圖讖佛經文字曲加誣飾

撰皇隋靈感志三十卷上令宣示天下劭集諸州朝集使盟手焚香閉目讀之曲折有聲如歌

詠經旬朔始編上並喜賞賜優洽

舊嘗見傳說此事實以為可

笑夫為人君

扶夫音

當須至公理天下以得萬姓

之懽心若堯舜在上百姓敬之如天地愛之如

父母動作興事人皆樂之

樂音洛

發號施令

施平聲

人皆悅之此是大祥瑞也自此後諸州所有祥

瑞並不用申奏

按通鑑係貞觀二年又曰嘗有白鵲構巢於寢殿槐上合歡如

腰鼓瑞

左右稱賀上曰我嘗笑隋煬帝好祥

瑞

愚按聖入之作者春秋也祥瑞不書惟災異

豈無祥瑞而不書而有年太宗有年之書兩

見於經蓋聖人特筆也太宗以聰明之資

克勤于政不以祥瑞為祥瑞而嘗觀文公

朱子通鑑綱目貞觀有一代皆不見祥瑞之

書惟貞觀四年以大有一年書錄其外戶不

閉家給人足斗米三錢之美斯祥瑞之大

貞觀八年

隴右山崩大蛇屢見

音

後同

山東

及江

淮多大水太宗以問侍臣秘書監虞世南對曰

春秋時梁山崩

晉梁山地

晉侯召伯宗而問焉

晉侯景公

名孺伯宗

對曰國主山川故山崩川竭君為之

不舉樂降服乘縵

乘平聲縵音漫謂乘車之無飾文者

祝幣以禮

焉梁山晉所主也晉侯從之故得無害

事見左傳成公

五年漢文帝元年齊楚地二十九山同日崩水大

出令

平聲

郡國無來獻施

平聲

惠於天下遠近歡洽

亦不為災後漢靈帝時青蛇見御座晉惠帝時

大蛇長三百步見齊地經市入朝按蛇宜在草

野而入市朝所以為恠耳今蛇見山澤蓋深山

大澤必有龍蛇亦不足恠又山東之雨雖則其
常然陰潛過久恐有冤獄宜斷省繫囚庶或當
天意且妖不勝德修德可以銷變太宗以為然
因遣使者使去聲賑恤飢餒申理冤訟多所原宥
貞觀八年有彗星見于南方彗徐醉切見音現後同彗星妖星也
其狀如帚長六丈一作六尺經百餘日乃滅太宗謂侍臣
曰天見彗星由朕之不德政有虧失是何妖也
虞世南對曰昔齊景公名杵臼時彗星見公問晏
子晏嬰也對曰公穿池沼畏不深起臺榭畏
不高行刑罰畏不重是以天見彗星為公戒耳

景公懼而修德後十六日而星沒作十六三陛下

若德政不修雖麟鳳數見數音朔終是無益但使

朝無闕政百姓安樂音洛雖有災變何損於德願

陛下勿以功高古入而自矜大勿以太平漸久

而自驕逸若能終始如一堦見未足為憂太宗

曰吾之理國良無景公之過但朕年十八便為

經綸王業便為之為去聲後同北剪劉武周西平薛舉東

擒竇建德王世充二十四而天下定二十九而

居大位四夷降伏降音杭海內乂安自謂古來英

雄撥亂之主無見及者頗有自矜之意此吾之

過也上天見變良為是乎秦始皇平六國隋煬
帝富有四海既驕且逸一朝而敗吾亦何得自
驕也言念於此不覺惕然震懼魏徵進曰臣聞
自古帝王未有無災變者但能修德災變自銷
陛下因有天變遂能戒懼反覆思量平聲深自剋
責雖有此變必不為災也

唐氏仲友曰世南對山壞蛇見大水恐有冤
獄枉繫亦未足以應天變矣詩曰維虺維蛇
女子之祥唐之女禍其兆先見於此世南名
博學非不知此顧太宗無女寵之溺無迹可
言然獨不能援詩以為說取證於漢靈晉惠
乎乃曰蛇見山澤適其所居以世南之忠直
無以發太宗儆
懼之意惜哉

又曰世南論彗星戒驕矜此最中太宗之病較諸省錄累囚之論大小殊矣

愚按昔劉向五行傳某事失則某咎徵應說者以為鑿春秋所書災異傳者亦推迹未來之事應之說者以為拘且妖由人興天事恒象人君惟當恐懼修省以銷其變固難盡信儒巫瞽史之所推測也夫蛇虺固女子之祥也春秋之世晉有蛇自泉宮出鄭則內蛇與外蛇闢於門之外固不見為女禍也唐高宗昏惑溺愛遂啓女后專政卒應大蛇之妖彗所以除舊布新也春秋之世魯有星孛齊有彗星固不見有所除布也唐武后肆其凶毒幾易唐祚卒應彗星之異茲二者皆見於貞觀之八年極盛之時也天人心仁愛儆戒之意早已見矣天人之際良可畏哉

貞觀十一年大雨穀水溢衝洛城門入洛陽宮平地五尺毀宮寺十九所漂七百餘家太宗謂

侍臣曰朕之不德皇天降災將由視聽弗明刑

罰失度遂使陰陽舛謬雨水乖常矜物罪已載

懷憂惕朕又何情獨甘滋味可令尚食

令平聲尚食掌

御膳之官斷肉料進蔬食文武百官各上封事極言

得失中書侍郎岑文本上封事曰臣聞開撥亂

之業其功既難守已成之基其道不易

以鼓切故

居安思危所以寧其業也有始有卒

子韋切

所以

崇其基也今雖億兆乂安方隅寧謐

音密

既承喪

亂之後又接凋弊之餘戶口減損尚多田疇墾

闢猶少覆幬之恩著矣而瘡痍未復德教之風

彼矣而資產屢空

去聲

是以古人譬之種樹年祀

綿遠則枝葉扶踈若種之日淺根本未固雖壅

之以黑墳

上聲

暖之以春日一人搖之必致枯槁

今之百姓頗類於此常加含養則日就滋息暫

有征役則隨日凋耗凋耗既甚則人不聊生人

不聊生則怨氣充塞怨氣充塞則離叛之心生

矣故帝舜曰可愛非君可畏非民孔安國曰人

以君為命故可愛君失道人叛之故可畏

孔安國釋

虞書之辭

仲尼曰君猶舟也人猶水也水所以載舟

亦所以覆舟是以古之哲王雖休勿休日慎一

日者良為此也

為去聲

伏惟陛下覽古今之事察

安危之機上以社稷為重下以億兆在念明選

舉慎賞罰進賢才退不肖聞過即改從諫如流

為善在於不疑出令期於必信順神養性省遊

畋之娛去奢從儉

去上聲

減工役之費務靜方內

而不求闢土載橐弓矢而不怠武備

橐音臬藏也

凡

此數者雖為國之恒道陛下之所常行臣之愚

昧惟願陛下思而不怠則至道之美與三五比

隆

三五三皇五帝也

億載之祚與天地長久雖使桑穀

為妖

史記商亳有祥帝太戊懼問伊

桑穀共生於朝

陟伊陟曰臣聞妖

不勝德

帝之政其有闕歟帝其修德龍蛇作孽五行傳

太戊從之祥桑枯死而去雄雉於鼎耳史記商

祭成湯明日有飛雉登鼎耳而鳴武丁懼祖石

言於晉地左傳昭公八年猶當轉禍為福變灾

為祥况雨水之患雨作水旱陰陽恒理豈可謂天

譴而繫聖心哉臣聞古人有言農夫勞而君子

養焉愚者言而智者擇焉輒陳狂瞽伏待斧鉞

太宗深納其言養當作食

愚按降水傲子帝舜所以畏天省已也六

事自責成湯所以反躬致戒也太宗之言

雖未能一出於誠亦庶幾乎舜湯之遺意

矣惜乎岑文本之論皆非所以戒其畏天

憂民之心而勉其側身修行之實也其曰
陰陽恒理豈繫聖心不幾於傲忽天戒乎
豈君臣相
傲之道哉

慎終第四十

章
凡七

貞觀五年太宗謂侍臣曰自古帝王亦不能常
化假令內安聲令平必有外擾當今遠夷率服百
穀豐稔盜賊不作內外寧靜此非朕一人之力
實由公等共相匡輔然安不忘危理不忘亂雖
知今日無事亦須思其終始常得如此始是可
貴也魏徵對曰自古已來元首股肱不能備具
或時君稱聖臣即不賢或遇賢臣即無聖主今

陛下明所以致理向若直有賢臣而君不思化
亦無所益天下今雖太平臣等猶未以為喜惟
願陛下居安思危孜孜不怠耳

愚按昔帝舜之作歌曰股肱喜哉元首起
哉百工熙哉皋陶乃廣載歌曰元首明哉
股肱良哉庶事康哉又歌曰元首叢脞哉
股肱惰哉萬事隳哉釋者謂舜之意以人
臣樂於趨事赴功則人君之治為之興起
而百官之功皆廣也皋陶之意以為君明
則臣良而衆事皆安所以勸之也君行臣
職則臣下解怠而萬事廢所以戒之也虞
廷君臣之相與貴難者如此雍熙之治所
以為君臣不可及也太宗之告侍臣謂當
平非朕一人之力皆由公等共輔須思終
始如一斯言也其帝舜作歌之意乎魏徵
之對則曰陛下聖明所以致理若君有賢
臣而君不思化亦為無益是猶皋陶勸舜

意也又曰今雖太平臣亦猶幸陶戒舜之
下居安思危孜孜不怠亦猶幸陶戒舜之
意也太宗能責難於其臣魏徵亦能責難
於其君君臣之相責難者如此有唐虞之
遺風焉是故有唐之治雖未能上躋時雍
之義而貞觀之盛可謂三代而下之所罕
見者矣

貞觀六年太宗謂侍臣曰自古人君為善者多

不能堅守其事漢高祖泗上一亭長耳長音初

能拯危誅暴以成帝業然更延十數年縱逸之

敗亦不可保何以知之孝惠為嫡嗣之重溫恭

仁孝而高帝惑於愛姬之子欲行廢立見師傳

蕭何韓信功業既高蕭既安繫蕭何沛人漢丞

民請曰長安地陝上林中空地願令民得入田高祖怒曰相國多受賈人財物為請吾苑乃

下何廷尉絳繫數日因韓亦濫黜信黜當作誅韓王衛尉之言赦出之

漢高祖取天下封楚王有告信欲反高祖乃詐遊雲夢縛信至洛陽赦為淮陰侯由此怨望後

復有言信反於呂后者后令蕭何給自餘功臣信入后使武士縛信斬之夷信三族

鯨布之輩懼而不安至於反逆黜布姓英名布嘗坐法黜漢高

祖封淮南王及韓信彭越之誅陰聚兵候伺警急中大夫真赫詣長安告布反高祖身將兵擊

之遂殺君臣父子之間悖謬若此豈非難保之布滅之

明驗也朕所以不敢恃天下之安每思危亡以

自戒懼用保其終

愚按太宗言漢祖創業之君而廢嫡立庶濫誅功臣斯言誠是也太宗能保全功臣

無濫誅之失過漢高遠矣然不能正承乾之惡而於諸子之定分亦牽於愛而有不

能自克者豈知人之明而自知之蔽耶

貞觀九年太宗謂公卿曰朕端拱無為四夷咸

服豈朕一人之所致實賴諸公之力耳當思善

始令終永固鴻業子子孫孫遠相輔翼使豐功

厚利施於來葉施平聲令數百年後令平聲讀我國

史鴻勲茂業粲然可觀豈惟稱隆周炎漢及建

武光武年號永平明帝年號故事而已哉房玄齡因進曰

陛下撫挹之志推功羣下致理昇平本關聖德

臣下何力之有惟願陛下有始有卒子聿切則天

下永賴太宗又曰朕觀古先撥亂之主皆年踰四十惟光武年三十三但朕年十八便舉兵年二十四定天下年二十九昇為天子此則武勝於古也少從戎旅聲少去不暇讀書貞觀以來手不釋卷知風化之本見政理之源行之數年天下大理而風移俗變子孝臣忠此又文過於古也昔周秦已降戎狄內侵今戎狄稽顙皆為臣妾此又懷遠勝古也此三者朕何德以堪之既有此功業何得不善始慎終耶

愚按詩書所載聖君賢相之所以保治於雍熙泰和之時者固率功業之克成未嘗

以功業而自足也太宗謂使豐功厚利
施於永久鴻敷盛業粲然可觀不使後世
惟稱隆周炎漢志則高矣然炎漢可企而
及也隆周豈止於若是哉倬彼雲漢為章
於天制之為禮樂布之為法度此文王之
文也
維烈撫弱耆昧功成而載戢干戈載櫜弓
矢此武王之武也
能勝乎天邦畏其力小邦懷其德華夏蠻
貊罔不率俾由是而憲此中國以綏四方
此文武之懷遠也
又果能勝乎愚然後知太宗矜功伐善意
出於中心而善始慎終之語不過虛言也
玄齡於此能獎其所已至而不
未至惜哉善後章
魏徵之對則善矣

貞觀十二年太宗謂侍臣曰朕讀書見前王善
事皆力行而不倦其所任用公輩數人誠以為

賢然致理比於三五之代猶為不逮何也魏徵
對曰今四夷賓服天下無事誠曠古所未有然
自古帝王初即位者皆欲勵精為政比迹於堯
舜及其安樂也樂音洛則驕奢放逸莫能終其善
人臣初見任用者皆欲匡主濟時追蹤於稷契
音洩及其富貴也則思苟全官爵莫能盡其忠節
若使君臣常無懈怠各保其終則天下無憂不
理自可超邁前古也太宗曰誠如卿言

愚按太宗致理不逮三五之言所以責難
於其臣也魏徵之對曲盡人君放逸之端
入臣懷祿之弊誠可謂上下之箴蓋人君
固在於慎終如始而久入臣无當始終如一

也嘗觀貞觀諸名臣久於其位者雖於六
節無所虧然於格非之道無聞焉乃以
成功難居至理無盡姑保其福祿榮名歟
恥君不及堯舜者何如人哉魏徵之言厥

有旨矣

貞觀十三年魏徵恐太宗不能克終儉約近歲

頗好奢縱

好去聲後同

上疏諫曰臣觀自古帝王受

圖定鼎皆欲傳之萬代貽厥孫謀故其垂拱巖
廊布政天下其語道也必先淳朴而抑浮華其
論人也必貴忠良而鄙邪佞言制度也則絕奢
靡而崇儉約談物產也則重穀帛而賤珍奇然
受命之初皆遵之以成治稍安之後多反之而

敗俗其故何哉豈不以居萬乘之尊有四海之
富出言而莫已逆所為而人必從公道溺於私
情禮節虧於嗜欲故也語曰非知之難行之惟
難非行之難終之斯難所言信矣伏惟陛下年
甫弱冠去聲大拯橫流橫去聲削平區宇肇開帝業
貞觀之初時方克壯抑損嗜欲躬行節儉內外
康寧遂臻至治論功則湯武不足方語德則堯
舜未為遠臣自擢居左右十有餘年每侍帷幄
屢奉明旨常許仁義之道守之而不失儉約之
志終始而不渝一言興邦斯之謂也德音在耳

敢忘之乎而頃年已來稍乖曩志敦朴之理漸
不克終謹以所聞列之如左陛下貞觀之初無
為無欲清靜之化遠被遐荒考之於今其風漸
墜聽言則遠超於上聖論事則未踰於中主何
以言之漢文晉武俱非上哲漢文辭千里之馬

漢文帝時有獻千里馬者詔還其馬與道里費晉武焚雉頭之裘晉武帝時

太醫司馬程據獻雉頭裘帝以奇技異服典禮所禁焚之于殿前今則求駿馬

於萬里市珍奇於域外取恠於道路見輕於戎
狄此其漸不克終一也昔子貢問理人於孔子
孔子曰懷乎若朽索之馭六馬子貢曰何其畏

哉子曰不以道遵之則吾讎也若何其無畏家語

之辭故書曰民惟邦本本固邦寧為人上者奈何

不敬書五子之歌陛下貞觀之始視人如傷恤其勤

勞愛民猶子每存簡約無所營為頃年已來意

在奢縱忽忘卑儉輕用人力乃云百姓無事則

驕逸勞役則易使易以鼓切後同自古以來未有由百

姓逸樂音洛後同而致傾敗者也何由逆畏其驕逸

而故欲勞役者哉恐非興邦之至言豈安人之

長筭此其漸不克終二也陛下貞觀之初損已

以利物至於今日縱欲以勞人卑儉之迹歲改

驕侈之情日異雖憂人之言不絕於口而樂身
之事實切於心或時欲有所營慮入致諫乃云
若不為此不便我身人臣之情何可復爭讀曰
諍

此直意在杜諫者之口豈曰擇善而行者乎此
其漸不克終三也立身成敗在於所染蘭芷鮑

魚

家語
之辭

與之俱化慎乎所習不可不思陛下貞

觀之初砥礪名節不私於物唯善是與親愛君

子疎斥小人今則不然輕褻小人

褻音
世

禮重君

子重君子也敬而遠之

遠音
後同

輕小人也狎而

近之近之則不見其非遠之則莫知其是莫知

其是則不間而自踈

間去聲後同

不見其非則有時

而自昵昵近小人非致理之道踈遠君子豈與

邦之義此其漸不克終四也書曰不作無益害

有益功乃成不貴異物賤用物人乃足犬馬非

其土性不畜

切

六

珍禽奇獸弗育於國

周書旅獒之辭

陛下貞觀之初動遵堯舜捐金抵璧反朴還淳

頃年以來好尚奇異

好去聲後同

難得之貨無遠不

臻珍玩之作無時能止上好奢靡而望下敦朴

未之有也未作滋興而求豐實其不可得亦已

明矣此其漸不克終五也貞觀之初求賢如渴

善人所舉信而任之取其所長恒恐不及近歲

已來由心好惡

聲烏去

或衆善舉而用之或一人

毀而棄之或積年任而用之或一朝疑而遠之

夫行有素履

夫音扶

聲後同

事有成跡所毀之人未

必可信於所舉積年之行不應頓失於一朝

平應

音聲

招朝君子之懷蹈仁義而弘大德小人之性好

讒佞以為身謀陛下不審察其根源而輕為之

臧否

切都鄙

是使守道者日踈干求者日進所以

人思苟免莫能盡力此其漸不克終六也陛下

初登大位高居深視事惟清靜心無嗜慾內除

畢弋之物畢網也弋以生外絕畋獵之源數載

之後不能固志雖無十旬之逸夏書太康盤遊無度畋于有洛

旬表十或過三驅之禮遂使盤遊之娛見譏於

百姓鷹犬之貢遠及於四夷或時教習之處道

路遙遠侵晨而出入夜方還以馳騁為勸莫慮

不虞之變事之不測其可救乎此其漸不克終

七也孔子曰君使臣以禮臣事君以忠魯定公

辭之然則君之待臣義不可薄陛下初踐大位

以接下君恩下流臣情上達咸思竭力心無所

隱頃年已來多所忽略或外官充使去聲奏事入

朝思覩闕庭將陳所見欲言則顏色不接欲請
又恩禮不加間因所短詰其細過雖有聰辯之
略莫能申其忠款而望上下同心君臣交泰不
亦難乎此其漸不克終八也傲不可長欲不可
縱長音掌樂不可極志不可滿禮曲禮四者前
王所以致福通賢以為深誠陛下貞觀之初致
致不怠屈己從人恒若不足頃年已來微有矜
放恃功業之大意蔑前王負聖智之明心輕當
代此傲之長也欲有所為皆取遂意縱或抑情
從諫終是不能忘懷此欲之縱也志在嬉遊情

無厭倦雖未全妨政事不復專心治道此樂將
極也率土乂安四夷款服仍遠勞士馬問罪遐
裔此志將滿也親狎者阿旨而不肯言踈遠者
畏威而莫敢諫諍而不已將虧聖德此其漸不
克終九也昔陶唐成湯之時非無災患而稱其
聖德者以其有始有終無為無欲遇災則極其
憂勤時安則不驕不逸故也貞觀之初頻年霜
旱畿內戶口並就關外携負老幼來往數千會
無一户逃亡一人怨苦此誠由識陛下矜育之
懷所以至死無攜貳頃年已來疲於徭役關中

之人勞弊尤甚雜匠之徒下日悉留和雇正兵
之輩上番多別驅使和市之物不絕於鄉閭遠
送之夫相繼於道路既有所弊易為驚擾脫因
水旱穀麥不收恐百姓之心不能如前日之寧
帖此其漸不克終十也臣聞禍福無門唯人所
召人無覺焉妖不妄作伏惟陛下統天御寓十
有三年道洽寰中威加海外年穀豐稔禮教聿
興比屋踰於可封比音鼻菽粟同於水火暨乎今
歲天災流行炎氣致旱乃遠被於郡國凶醜作
孽忽近起於轂下夫天何言哉垂象示誠斯誠

陛下驚懼之辰憂勤之日也若見誠而懼擇善

而從同周文之小心追殷湯之罪已前王所以

致理者勤而行之今時所以敗德者思而改之

與物更新更平聲易入視聽則實祚無彊普天幸

甚何禍敗之有乎然則社稷安危國家理亂在

於一人而已當今太平之基既崇極天之峻九

仞之積猶虧一簣之功書曰為山九仞功一簣言中道而止則前功

也盡棄千載休期時難再得明王可為而不為微

臣所以鬱結而長歎者也臣誠愚鄙不達事機

略舉所見十條輒以上聞聖聽伏願陛下採臣

狂瞽之言參以芻蕘之議冀千慮一得袞職有

補

詩大雅烝民之篇曰袞職有闕維仲山甫補之

則死日生年甘從斧

鉞疏奏太宗謂徵曰人臣事主順旨甚易忤情

尤難公作朕耳目股肱常論思獻納朕今聞過

能改庶幾克終善事

樂平聲

若違此言更何顏與

公相見復欲何方以理天下自得公疏反覆研

尋深覺詞強理直遂列為屏障朝夕瞻仰又錄

付史司冀千載之下識君臣之義乃賜徵黃金

十斤廐馬二匹

按史傳十三年阿史那結社率作亂雲陽石然自冬至五月不

雨故徵上此疏

唐氏仲友曰人君善否之分其始毫釐其末
千里論太宗貞觀初之所為皆可以為三代
之令主至漸不克終則凡三代之辟王其極
至於亂者不過乎此可不畏哉徵有憂之極
言至論數其十漸有尹傳周召戒其君大禹
訓其後世之意非慮之至忠之盡安能及此
使太宗聞過願改以終善道以保貞觀之隆
卒髣髴乎三代之令主皆徵力也史以三代
遺直許徵於
十漸見之
葉氏適曰太宗聞十漸之戒令錄付史官使
萬世知有君臣之義至徵錄前後諫爭語於
史官帝卻不說夫十漸之戒錄在徵之所錄多不
過此而太宗不說何也蓋錄在徵則天下惟
知徵之能諫若錄在太宗則天下將不止知
太宗之能聽諫且知太宗眷眷不忘之意凡
此皆太宗
好名處
愚按魏徵十不克終之疏正貞觀之中年
其間所云貞觀之初如此其善近歲以來

如此其未善其善也可以為三代之令主
其未善也無異於後世之辟王何太宗一
人之身始終之相遠如此哉蓋其始之善
者天資之過人也終之未善者學力之不
繼也昔者周之成王即位之初惑於二叔
之言不能明周公之德其天資之義有不
能如太宗者矣及其終也敬迓天威無敢
昏逾至於死生之際惘然不亂此豈太宗
之所及哉愚然後知周公輔導之功為不
可及而魏徵格君之道猶有所不足也嗚
呼以太宗之聰明猶不能保其終而況天
資之未逮者其可不孳孳而務學也哉

貞觀十四年太宗謂侍臣曰平定天下朕雖有
其事守之失圖功業亦復難保秦始皇初亦平
六國據有四海及末年不能善守實可為誠公
等宜念公忘私則榮名高位可以克終其美魏

徵對曰臣聞之戰勝易以鼓守勝難陛下深思

遠慮安不忘危功業既彰德教復洽恒以此為

政宗社無由傾敗矣

范氏祖禹曰書曰后克艱厥后臣克艱厥臣又曰無輕民事惟難孔子曰為君難夫知所

難而後可以為也傳曰君以為易則其難也將至矣君以為難則其易也將至矣太宗

以知守之之難所以能終也

愚按魏徵之於太宗兄三告以守天下之難矣居安忘危之言始終弗渝其憂治危

明之心為何如哉孟子曰責難於君謂之恭徵之謂也

貞觀十六年太宗問魏徵曰觀近古帝王有傳

位十代者有一代兩代者亦有身得身失者朕

所以常懷憂懼或恐撫養生民不得其所或恐
心生驕逸喜怒過度然不自知卿可為朕言之

為去聲

當以為楷則徵對曰嗜慾喜怒之情賢愚
皆同賢者能節之不使過度愚者縱之多至失
所陛下聖德玄遠居安思危伏願陛下常能自
制以保克終之美則萬代永賴

愚按太宗問運作長短之殊魏徵對以自
制克終之美其論可謂的矣然嘗論之古
昔聖賢著書立言其托始始終之際皆不深
意吳氏之著是編也始之以太宗問魏徵
正身之道終之以魏徵對太宗克終之言
其意之所存雖不可知以事實攷之則二
者皆太宗之所不足也何也太宗削除禍
亂身致平屈已而納諫任賢而使能恭

儉節用寬仁而愛人三代而下之君絕無
而僅有者也然於君臣父子兄弟夫婦之
間皆有慚德豈非正身之道有所不足歟
太宗能納諫矣而晚年有什碑之失能慎
刑矣而晚年有君羨之誅能息兵矣復有
高麗西域之師能節用矣復有飛山翠微
之作豈非克終之道有所不足歟合二者
而論之則太宗所以不能克終者由其不
能正身也然則吳氏之書豈
非始言其本而終言其效歟

貞觀政要卷第十

終



魏貞

五